

Headline	TONG GAS TAMBAH BAIK HIDUP		
MediaTitle	Harian Metro		
Date	25 Oct 2016	Color	Full Color
Section	Agro	Circulation	179,231
Page No	22	Readership	537,693
Language	Malay	ArticleSize	615 cm ²
Journalist	Nor Faizah Mohamed	AdValue	RM 24,227
Frequency	Daily	PR Value	RM 72,682



TONG GAS TAMBAH BAIK HIDUP

1,000 tong gas bantu lebih 367 lelaki, wanita, kanak-kanak hidup dalam HIV,AIDS

Nor Faizah Mohamed
faizah@hmetro.com.my

Tempat tinggal, makanan, pendidikan dan perubatan ialah antara perkara asas yang diperlukan manusia.

Namun, tidak semua bernasib baik mendapat keperluan itu terutama apabila dilanda masalah dan penyakit hingga menyukarkan diri untuk menikmati perkara asas itu.

Justeru dalam usaha berterusan membantu mereka yang hidup dengan HIV dan AIDS di negara ini, NGC Energy MiraGas kini tampil sebagai antara badan korporat yang menghulurkan sumbangan tong gas kepada lebih 10 rumah kebajikan beroperasi di sekitar Lembah Klang.

Kerjasama antara NGC Energy Sdn Bhd dengan Yayasan AIDS Malaysia serta Majlis AIDS Malaysia ini menyaksikan lebih 1,000 tong gas MiraGas LPG diberikan bagi membantu lebih 367 lelaki, wanita serta kanak-kanak yang hidup dalam HIV juga AIDS.

“Kami menasaskan bukan saja untuk memenuhi kehendak pengguna tapi menambah baik kehidupan keluarga dan komuniti yang memerlukan menerusi usaha sama seperti ini.

“Kerjasama dengan Yayasan AIDS Malaysia

dan Majlis AIDS Malaysia ini membolehkan kami membantu usaha penambahbaikan itu dan meringankan bebanan keluarga serta komuniti terbabit.

“Tajaan tong gas MiraGas LPG ini juga adalah simbol kepada komitmen kami dalam program komuniti, di samping memberi aspirasi kepada perubahan positif dalam kalangan masyarakat, sekali gus menyetepikan impak negatif terhadap mereka yang hidup dengan HIV serta AIDS ini,” kata Pengurus Besar NGC Energy, Julianna Kamaruddin.

Rumah perlindungan

dan program sukarelawan komuniti, Faith Helping Centre yang dikendalikan Persatuan Khidmat Sokongan AIDS Kuala Lumpur menerima tajaan tahun ini.

Mula beroperasi pada 1994, Faith Helping Centre menawarkan perlindungan sementara untuk lelaki yang dipinggirkan keluarga kerana HIV.

Melalui pendekatan sokongan rakan sebaya, khidmat yang ditawarkan di rumah perlindungan itu termasuk penjagaan asas, kaunseling, kesihatan, pendidikan dan kebajikan bagi membantu penghuninya

menjalani kehidupan yang lebih berkualiti.

Selain itu, Rumah Solehan dan Rumah WAKE turut tersenarai sebagai penerima.

“Projek bersama NGC Energy ini asalnya bermula dengan enam rumah

perlindungan pada 2010 namun kini merangkumi program di seluruh negara.

“Kerjasama dan tindak balas korporat seperti yang ditunjukkan NGC Energy ini antara contoh perkongsian multi-sektor strategik untuk meningkatkan lagi kualiti kehidupan mereka yang hidup dengan HIV dan AIDS ini.

“NGC Energy Sdn Bhd sebagai rakan kongsi yang progresif juga diharap dapat meningkatkan lagi usaha menghapuskan stigma dan diskriminasi terhadap mereka,” ujar Pengerusi Yayasan AIDS Malaysia, Prof Dr Adeeba Kamarulzaman.

Program tajaan gas memasak ini dapat mengurangkan perbelanjaan di rumah kebajikan terbabit lalu wang itu disalurkan untuk perkara lain seperti rawatan dan tempat tinggal yang lebih kondusif.

Headline	TONG GAS TAMBAH BAIK HIDUP		
MediaTitle	Harian Metro		
Date	25 Oct 2016	Color	Full Color
Section	Agro	Circulation	179,231
Page No	22	Readership	537,693
Language	Malay	ArticleSize	615 cm ²
Journalist	Nor Faizah Mohamed	AdValue	RM 24,227
Frequency	Daily	PR Value	RM 72,682

Kami menyasarkan bukan saja untuk memenuhi kehendak pengguna tapi menambah baik kehidupan keluarga dan komuniti yang memerlukan menerusi usaha sama seperti ini

JULIANNA



JULIANNA (enam dari kiri) menyerahkan bantuan tong gas kepada beberapa rumah perlindungan di sekitar Kuala Lumpur.

Headline	TONG GAS TAMBAH BAIK HIDUP		
MediaTitle	Harian Metro		
Date	25 Oct 2016	Color	Full Color
Section	Agro	Circulation	179,231
Page No	22	Readership	537,693
Language	Malay	ArticleSize	615 cm ²
Journalist	Nor Faizah Mohamed	AdValue	RM 24,227
Frequency	Daily	PR Value	RM 72,682



SUKARELAWAN NGC Energy
(kiri) membantu kakitangan
Persatuan Khidmat
Sokongan AIDS Kuala
Lumpur memasang rak
di Faith Helping Centre.